

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj: 7/10), člana 4. stav 1. Zakona o koncesijama (Prečišćeni tekst) («Službene novine Zeničko-dobojskog kantona», broj: 5/03), na prijedlog Ministarstva za privredu, Vlada Zeničko-dobojskog kantona, na 73. sjednici, održanoj 03.08.2012. godine d o n o s i

## **ODLUKU**

**o pristupanju provođenja procedure dodjele koncesije za istraživanje i eksploataciju metaličnih mineralnih resursa-olova, cinka i barita na ležištima Veovača i Rupice-Juraševac, Brestić u općini Vareš**

### **Član 1.**

#### **(Predmet)**

Pristupa se provođenju procedure dodjele koncesije za istraživanje i eksploataciju metaličnih mineralnih resursa-olova, cinka i barita na ležištima Veovača i Rupice-Juraševac, Brestić u općini Vareš, koja će biti vođena u sklopu postupka prodaje nekretnina Rudnika olova, cinka i barita u stečaju.

### **Član 2.**

#### **(Lokacija)**

(1) Istražno-eksploatacioni prostori na ležištima Veovača i Rupice-Juraševac, Brestić u općini Vareš, ograničeni su graničnim linijama sa prijelomnim tačkama, kako slijedi:

#### **POLJE I-Veovača**

<b>TAČKA</b>	<b>X</b>	<b>Y</b>
<b>I</b>	<b>4 888 910</b>	<b>6 528 356</b>
<b>II</b>	<b>4 889 055</b>	<b>6 528 442</b>
<b>IIIa</b>	<b>4 888 882</b>	<b>6 528 620</b>
<b>IIIa</b>	<b>4 888 840</b>	<b>6 528 660</b>
<b>III</b>	<b>4 888 750</b>	<b>6 528 750</b>
<b>IV</b>	<b>4 889 000</b>	<b>6 529 000</b>
<b>V</b>	<b>4 889 915</b>	<b>6 529 165</b>
<b>VI</b>	<b>4 888 915</b>	<b>6 529 065</b>
<b>VII</b>	<b>4 888 620</b>	<b>6 529 335</b>
<b>VIII</b>	<b>4 887 750</b>	<b>6 528 695</b>
<b>IX</b>	<b>4 887 750</b>	<b>6 528 000</b>
<b>X</b>	<b>4 888 080</b>	<b>6 528 000</b>
<b>XI</b>	<b>4 888 700</b>	<b>6 528 280</b>
<b>I</b>	<b>4 888 910</b>	<b>6 528 356</b>

#### **POLJE II-Veovača**

<b>TAČKA</b>	<b>X</b>	<b>Y</b>
<b>XII</b>	<b>4 889 000</b>	<b>6 529 500</b>
<b>XIIa</b>	<b>4 889 464</b>	<b>6 529 037</b>
<b>XIIIa</b>	<b>4 889 478</b>	<b>6 529 026</b>
<b>XIII</b>	<b>4 889 540</b>	<b>6 528 900</b>
<b>XIV</b>	<b>4 889 795</b>	<b>6 529 205</b>
<b>XV</b>	<b>4 889 750</b>	<b>6 529 250</b>
<b>XVI</b>	<b>4 890 375</b>	<b>6 529 875</b>
<b>XVII</b>	<b>4 889 875</b>	<b>6 530 375</b>
<b>XII</b>	<b>4 889 000</b>	<b>6 529 500</b>

(2) Površina unutar eksploatacionih polja I i II –Veovača je 1.997.602 m<sup>2</sup>. Spisak katastarskih čestica, prema ZK izvadku , broj: 041-0-nar-10-004485 od 14.05.2010. godine su: 21/3, 22/3, 909/3,909/4, 27/11, 20/3, 909/1, 21/4, 1/21, 1/22, 14/1, 969/305, 969/306, 205/1, 189/5, 187, 190/2,199/2,199/8,203/2,1001/3,969/244,1001/5, K.O.SP Daštansko, zemljište je društvena svojina 1/1 i u vlasništvu Rudnika olova, cinka i barita u stečaju.

#### **POLJE III-Rupice-Juraševac, Brestić**

<b>TAČKA</b>	<b>X</b>	<b>Y</b>
<b>I</b>	<b>4 894 900</b>	<b>6 519 000</b>
<b>II</b>	<b>4 894 900</b>	<b>6 519 400</b>
<b>III</b>	<b>4 893 720</b>	<b>6 520 275</b>
<b>IV</b>	<b>4 893 560</b>	<b>6 519 975</b>
<b>V</b>	<b>4 894 250</b>	<b>6 519 000</b>
<b>I</b>	<b>4 894 900</b>	<b>6 519 000</b>

(3) Površina unutar eksploatacionog polja III -Rupice-Juraševac, Brestić u općini Vareš je 831.875,00 m<sup>2</sup>, a spisak Z.K. uložaka je: 235,253,243,153,4,2,3,283,222,151,220,163,232 pripadaju K.O. Lipnica, a Z.K.uložci: 615, 636, 606, 603, 578, 492, 460, 447, 401, 386, 383, 377, 344, 302, 230, 140, 8, 540, 323, 399, 538, 574, 397, 473, 500, 70, 36, 56, 69, 85, 88, 432, 439, 27, 508, 462, 593, 293, 446, 325, 385, 503, 394, 439 svi upisani u K.O. SP Borovica, zemljište je privatna i državna svojina.

#### **Član 3.**

##### **(Elementi Ugovora)**

Posebni uslovi za dodjelu koncesije za eksploataciju olova, cinka i barita, su:

- a) Minimalno vrijeme koncesije za eksploataciju je 25 godina, a zavisit će od utvrđenih rezervi mineralnog resursa;
- b) Za eksploatisane količine olova, cinka i barita, koncesionar je dužan plaćati koncesionu naknadu u iznosu od minimalno 1,50 KM po toni rovne rude (slovima: jedanzarezpetkonvertibilnihmaraka po toni rovne rude);
- c) Minimalne količine eksploitanog olova, cinka i barita na na koji je koncesionar obavezan plaćati koncesionu naknadu su 100.000 tona rovne rude /godišnje (slovima: stohiljadatona rovne rude po godini);
- d) Minimalna jednokratna (fiksna godišnja) koncesiona naknada za pravo korištenja istražno-eksploatacionog prostora ležišta Veovača i Rupice-Juraševac, Brestić u općini Vareš je 0,15 KM/m<sup>2</sup> društvenog zemljišta.

#### **Član 4.**

##### **(Opći eliminatorni uslovi)**

(1) Opći eliminatorni ulovi za izbor najpovoljnije ponude za dodjelu koncesije za eksploataciju olova, cinka i barita na predmetnim lokalitetima su:

- a) Dokaz o uspješnom poslovanju ponuđača u posljednje tri poslovne godine;
- b) Dokaz o uredno izmirenim porezima i doprinosima;
- c) Mjenica na iznos vrijednosti minimalne dvogodišnje eksploatacije olova, cinka i barita prema ponuđenoj cijeni koncesine naknade na iznos vrijednosti minimalne dvogodišnje eksploatacije olova, cinka i barita prema ponuđenoj cijeni koncesine naknade sa trajanjem od 9 dana od raspisivanja Javnog poziva;
- d) Studije o ekonomskoj opravdanosti dodjele koncesije na istraživanje i eksploataciju olova, cinka i barita na ležištima Veovača i Rupice-Juraševac, Brestić u općini Vareš, urađena prema Načelnom sadržaju;
- e) Ovjerena izjava da pod krivičnom i materijalnom odgovornošću obavezuje omogućiti realizaciju projekata od općeg interesa, za koje Općinsko vijeće Vareš iskaže interes;
- f) Ovjerena izjava da pod krivičnom i materijalnom odgovornošću nesporno prihvata obavezu da u toku eksploatacije, u slučaju nailaska na resurse plemenitih metala,

obavijesti Koncesora i iste deponuje u području istražno-eksploatacionog lokaliteta, te ih preda Koncesoru;

- g) Odluka o prodaji nepokretnosti najpovoljnijem ponuđaču, a u skladu sa Rješenjem Općinskog suda u Zenici, broj:St-2/04 od 09.12.2009. godine;
- h) Pronalaskom plemenitih metala sačinjit će se poseban Anex ugovora kojim će biti regulisane obaveze i prava Koncesora i Koncesionara u skladu sa pozitivnim propisima;

(2) Izjave pod (e), i (f), mogu biti date u integralnoj formi, odnosno objedinjene.

#### **Član 5.**

##### **(Ostali uslovi)**

(1) Koncesija će se dodijeliti prema kriteriju najpovoljnijeg ponuđača, odnosno, po principu najvećeg zbira bodova po osnovu tenderskih kriterija, koji uključuju visinu kontinuirane i jednokratne koncesione naknade, minimalnu godišnju realizaciju predmeta koncesije, poslovni rezultat, kao i na osnovu općih kriterija dodjele koncesije za istraživanje i eksploataciju olova, cinka i barita na ležištima Veovača i Rupice-Juraševac, Brestić u općini Vareš.

(2) Vrijeme trajanja Javnog poziva je 30 dana.

(3) Procentualno učešće kod vrednovanja ponuda je:

- a) prvorangirani kupac Rudnika                      maksimalno 70 bodova;
- b) kontinuirana naknada                                maksimalno 15 bodova;
- c) jednokratna koncesiona naknada                maksimalno 10 bodova;
- d) minimalna godišnja realizacija                 maksimalno 5 bodova.

#### **Član 6.**

##### **(Istraživanje i eksploatacija)**

(1) Istražne i eksploatacione radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

(2) U slučaju da Koncesionar ne otpočne sa eksploatacijom olova, cinka i barita na ležištima Veovača i Rupice-Juraševac, Brestić, u općini Vareš u roku od 5 godina, računajući od dana donošenja ove Odluke, smatrat će se da je odustao od realizacije projekta.

#### **Član 7.**

##### **(Provođenje postupka izbora)**

Zadužuje se Ministarstvo za privredu da, putem Komisije koju imenuje ministar Ministarstva za privredu, sprovede postupak prikupljanja ponuda, izvrši odabir i predloži Vladi najpovoljnijeg ponuđača.

#### **Član 8.**

##### **(Stupanje na snagu)**

Odluka stupa na snagu danom donošenja i bit će objavljena u «Službenim novinama Zeničko-dobojskog kantona».

Broj: 02-\_\_\_\_\_/12.

Datum, 03.08.2012. godine

Z e n i c a

**PREMIJER**

*mr.sci.Fikret Plevljak dipl.ing.*

DOSTAVLJENO:

- 1x Ministarstvo za privredu,
- 1x Rudnik olova, cinka i barita Vareš u stečaju (putem ministarstva),
- 1x Općina Vareš (putem ministarstva),
- 1x «Službene novine Zeničko-dobojskog kantona»,
- 1x a/a.